

Ayesha Engelbrecht contento pa forma parti di Commissie Sexueel Misbruik van Minderjarigen



ORANJESTAD (AAN): Diamars e asina yama Commissie Sexueel Misbruik van Minderjarigen a wordo presenta oficialmente na prensa y durante un conferencia di

prensa, miembro di e comision Ayesha Engelbrecht a hiba palabra.

Engelbrecht a splica cu pa hopi aña caba e ta trahando den Gobierno y cu e ta haya cu e parti di abuso sexual di mucha ta hopi importante pa enfoca riba dje.

“Nos ta na tempo aworaki pa trece un cambio pa Aruba y den e procesonan tambe”.

Mi ta asisti minister di Enseñanza tambe den diferente proyecto y na momento cu Lisette Gomes a acerca mi, mi a bisa si mesora y mi ta hopi contento di forma parti di e comision aki.

Locual nos ta tira bista riba dje ta a procesonan interno di Gobierno, riba tur departamento cu tin di haber cu abuso sexual di mucha of tambe e proceso pa ayudo. Nos ta kere cu na final nos lo duna un resultado hopi positivo pa por hiba Aruba pa dilanti, segun Engelbrecht.



**Mondmasker
ta obligatorio
den tur lugar!!!**